

佛说十善业道经演义 科判

大唐于阗三藏实叉难陀 奉制译 智圆法师 立科 编述
释道净 整理 4 稿 qq 973451196 校对 圆音 夏凡 昱斐

表 1: (3 表)

科判				经文	
全 经 分 三	甲一、序分			<p>如是我闻：一时佛在娑竭罗龙宫，与八千大比丘众、三万二千菩萨摩訶萨俱。</p> <p>尔时世尊告龙王言：“一切众生心想异故，造业亦异，由是故有诸趣轮转。</p> <p>龙王！汝见此会及大海中，形色种类各别不耶？</p> <p>如是一切，靡不由心造善不善身业、语业、意业所致。</p> <p>而心无色，不可见取，但是虚妄诸法集起，毕竟无主，无我我所。虽各随业所现不同，而实于中无有作者。</p> <p>故一切法皆不思议，自性如幻。</p>	
	乙一、总示业果妙理分三	丙一、正明分二	丁一、指示妙理分三	戊一、明世俗业果唯心	
				戊二、明胜义心即无心	
				戊三、结成万法自性如幻	
		丁二、教诫修善		智者知己，应修善业，以是所生蕴、处、界等，皆悉端正，见者无厌。	
		丙二、举证分二	丁一、诸善报由善业生		<p>龙王！汝观佛身，从百千亿福德所生，诸相庄严，光明显曜，蔽诸大众。</p> <p>设无量亿自在梵王，悉不复现；其有瞻仰如来身者，莫不目眩！</p> <p>汝又观此诸大菩萨，妙色严净，一切皆由修集善业福德而生。</p> <p>又诸天龙八部众等大威势者，亦因善业福德所生。</p>
			丁二、诸恶报由恶业生		今大海中所有众生，形色粗鄙，或大或小，皆由自心种种想念，作身、语、意诸不善业，是故随业各自受报。
	丙三、劝修		<p>汝今当应如是修学，亦令众生了达因果，修习善业。</p> <p>汝当于此正见不动，勿复堕在断常见中！</p> <p>于诸福田欢喜敬养，是故汝等亦得人天尊敬供养。</p>		
	乙二、特示十善业道分二	丙一、示因行分三	丁一、示一法能令诸恶永断、善法圆满		<p>龙王！当知菩萨有一法，能断一切诸恶道苦。</p> <p>何等为一？</p> <p>谓于昼夜，常念思惟观察善法，令诸善法念念增长，不容毫分不善间杂。</p> <p>是即能令诸恶永断、善法圆满，常得亲近诸佛菩萨，及余圣众。</p>
			丁二、释善法名义		言善法者，谓人天身、声闻菩提、独觉菩提、无上菩提，皆依此法以为根本，而得成就，故名善法。
			丁三、出善法体相		<p>此法即是十善业道。何等为十？</p> <p>谓能永离杀生、偷盗、邪行、妄语、两舌、恶口、绮语、贪欲、瞋恚、邪见。</p>
		丙二、明果德分十	丁一、明离杀生功德		<p>龙王！若离杀生，即得成就十离恼法。</p> <p>何等为十？</p> <p>一、于诸众生普施无畏；二、常于众生起大慈心；三、永断一切瞋恚习气；四、身常无病；五、寿命长远；六、恒为非人之所守护；七、常无恶梦，寢觉快乐；八、灭除怨结，众怨自解；九、无恶道怖；十、命终生天；是为十。</p> <p>若能回向阿耨多罗三藐三菩提者，后成佛时，得佛随心自在寿命。</p>

表 2: (3 表)

全经分三	甲二、正宗分分四	乙二、特示十善业道分二	丙二、明果德分十	丁二、明离偷盗功德	<p>复次，龙王！若离偷盗，即得十种可保信法。何等为十？</p> <p>一、资财盈积，王贼水火及非爱子，不能散灭；二、多人爱念；三、人不欺负；四、十方赞美；五、不忧损害；六、善名流布；七、处众无畏；八、财命、色力、安乐、辩才，具足无缺；九、常怀施意；十、命终生天；是为十。</p> <p>若能回向阿耨多罗三藐三菩提者，后成佛时，得证清净大菩提智。</p>
				丁三、明离邪行功德	<p>复次，龙王！若离邪行，即得四种智所赞法。何等为四？</p> <p>一、诸根调顺；二、永离喧掉；三、世所称叹；四、妻莫能侵；是为四。</p> <p>若能回向阿耨多罗三藐三菩提者，后成佛时，得佛丈夫隐密藏相。</p>
				丁四、明离妄语功德	<p>复次，龙王！若离妄语，即得八种天所赞法。何等为八？</p> <p>一、口常清净、优钵华香；二、为诸世间之所信伏；三、发言成证，人天敬爱；四、常以爱语安慰众生；五、得胜意乐，三业清净；六、言无失误，心常欢喜；七、发言尊重，人天奉行；八、智慧殊胜，无能制伏；是为八。</p> <p>若能回向阿耨多罗三藐三菩提者，后成佛时，即得如来真实语。</p>
				丁五、明离两舌功德	<p>复次，龙王！若离两舌，即得五种不可坏法。何等为五？</p> <p>一、得不坏身，无能害故；二、得不坏眷属，无能破故；三、得不坏信，顺本业故；四、得不坏法行，所修坚固故；五、得不坏善知识，不诳惑故；是为五。</p> <p>若能回向阿耨多罗三藐三菩提者，后成佛时，得正眷属，诸魔外道不能沮坏。</p>
				丁六、明离恶口功德	<p>复次，龙王！若离恶口，即得成就八种净业。何等为八？</p> <p>一、言不乖度；二、言皆利益；三、言必契理；四、言词美妙；五、言可承领；六、言则信用；七、言无可讥；八、言尽爱乐；是为八。</p> <p>若能回向阿耨多罗三藐三菩提者，后成佛时，具足如来梵音声相。</p>
				丁七、明离绮语功德	<p>复次，龙王！若离绮语，即得成就三种决定。何等为三？</p> <p>一、定为智人所爱；二、定能以智，如实答问；三、定于人天，威德最胜，无有虚妄；是为三。</p> <p>若能回向阿耨多罗三藐三菩提者，后成佛时，即得如来诸所授记，皆不唐捐。</p>
				丁八、明离贪欲功德	<p>复次，龙王！若离贪欲，即得成就五种自在。何等为五？</p> <p>一、三业自在，诸根具足故；二、财物自在，一切怨贼不能夺故；三、福德自在，随心所欲、物皆备故；四、王位自在，珍奇妙物皆奉献故；五、所获之物，过本所求百倍殊胜，由于昔时不悭嫉故；是为五。</p> <p>若能回向阿耨多罗三藐三菩提者，后成佛时，三界特尊，皆共敬养。</p>
				丁九、明离瞋恚功德	<p>复次，龙王！若离瞋恚，即得八种喜悦心法。何等为八？</p> <p>一、无损恼心；二、无瞋恚心；三、无诤讼心；四、柔和质直心；五、得圣者慈心；六、常作利益安众生心；七、身相端严，众共尊敬；八、以和忍故，速生梵世；是为八。</p> <p>若能回向阿耨多罗三藐三菩提者，后成佛时，得无碍心，观者无厌。</p>
				丁十、明离邪见功德	<p>复次，龙王！若离邪见，即得成就十功德法。何等为十？</p> <p>一、得真善意乐、真善等侣；二、深信因果，宁殒身命，终不作恶；三、唯归依佛，非余天等；四、直心正见，永离一切吉凶疑网；五、常生人天，不更恶道；六、无量福慧，转转增胜；七、永离邪道，行于圣道；八、不起身见，舍诸恶业；九、住无碍见；十、不堕诸难；是为十。</p> <p>若能回向阿耨多罗三藐三菩提者，后成佛时，速证一切佛法，成就自在神通。”</p>

表 3: (3 表)

全 经 分 三	甲 二 、 正 宗 分 分 四	乙 三 、 广 申 依 十 善 庄 严 万 行 分 三	丙 一 、 广 说 以 施 庄 严 之 大 利	<p>尔时世尊复告龙王言：“若有菩萨依此善业，于修道时，能离杀害而行施故，常富财宝，无能侵夺，长寿无夭，不为一切怨贼损害。离不与取而行施故，常富财宝，无能侵夺，最胜无比，悉能备集诸佛法藏。</p> <p>离非梵行而行施故，常富财宝，无能侵夺，其家贞顺，母及妻子，无有能以欲心视者。</p> <p>离虚诳语而行施故，常富财宝，无能侵夺，离众毁谤，摄持正法，如其誓愿，所作必果。</p> <p>离离间语而行施故，常富财宝，无能侵夺，眷属和睦，同一志乐，恒无乖诤。</p> <p>离粗恶语而行施故，常富财宝，无能侵夺，一切众会，欢喜归依，言皆信受，无违拒者。</p> <p>离无义语而行施故，常富财宝，无能侵夺，言不虚设，人皆敬受，能善方便，断诸疑惑。</p> <p>离贪求心而行施故，常富财宝，无能侵夺，一切所有，悉以惠舍，信解坚固，具大威力。</p> <p>离忿怒心而行施故，常富财宝，无能侵夺，速自成就无碍心智，诸根严好，见皆敬爱。</p> <p>离邪倒心而行施故，常富财宝，无能侵夺，恒生正见敬信之家，见佛闻法，供养众僧，常不忘失大菩提心。</p> <p>是为大士修菩萨道时，行十善业，以施庄严，所获大利如是。</p>		
				丙 二 、 略 示 众 行 庄 严 之 大 利 分 六	丁一、余五度	<p>龙王！举要言之，行十善道，以戒庄严故，能生一切佛法义利，满足大愿；</p> <p>忍辱庄严故，得佛圆音，具众相好；</p> <p>精进庄严故，能破魔怨，入佛法藏；</p> <p>定庄严故，能生念慧，惭愧轻安；</p> <p>慧庄严故，能断一切分别妄见；</p>
					丁二、四无量心	<p>慈庄严故，于诸众生，不起恼害；</p> <p>悲庄严故，愍诸众生，常不厌舍；</p> <p>喜庄严故，见修善者，心无嫌嫉；</p> <p>舍庄严故，于顺违境，无爱恚心；</p>
					丁三、四摄	<p>四摄庄严故，常勤摄化一切众生；</p>
					丁四、三十七菩提分	<p>念处庄严故，善能修习四念处观；</p> <p>正勤庄严故，悉能断除一切不善法，成一切善法；</p> <p>神足庄严故，恒令身心，轻安快乐；</p> <p>五根庄严故，深信坚固，精勤匪懈，常无迷忘，寂然调顺，断诸烦恼；</p> <p>力庄严故，众怨尽灭，无能坏者；</p> <p>觉支庄严故，常善觉悟一切诸法；</p> <p>正道庄严故，得正智慧常现在前；</p>
					丁五、止观	<p>止庄严故，悉能涤除一切结使；</p> <p>观庄严故，能如实知诸法自性；</p>
					丁六、方便	<p>方便庄严故，速得成满为无为乐。</p>
				丙三、结说能令一切佛法圆满	<p>龙王！当知此十善业，乃至能令十力、无畏、十八不共，一切佛法皆得圆满。是故汝等应勤修学！</p>	
				乙四、结赞十善为五乘共依	<p>龙王！譬如一切城邑、聚落，皆依大地而得安住；一切药草、卉木、丛林，亦皆依地而得生长。</p> <p>此十善道亦复如是，一切人天依之而立，一切声闻、独觉菩提、诸菩萨行、一切佛法，咸共依此十善大地而得成就。”</p>	
				甲三、流通分	<p>佛说此经已，娑竭罗龙王及诸大众，一切世间天、人、阿修罗等，皆大欢喜，信受奉行。</p>	